



President Thomas S. Monson kāe

Hom Nyε Fasusu na Kan

Ber a yedzi Agyenkwa ne fasusu do no, yebenza kwan abεyε kan wɔ binom hɔn abrabɔ mu.

Enuanom na nkyerebaa, mbre osi na oye de menye hom wɔ ha bio. De mbre hom nyim no, fitsi Ebobira a yebɔ mu hyiae no, hen Asomafo adɔfo baasa efi mu ma wɔahye hen awerehow: President Boyd K. Packer, Elder L. Tom Perry, na Elder Richard G. Scott. Wɔasan kɔ hɔn ɔsorfie. Yeafe hɔn. Mbre hen enyi si sɔ hɔn fasusu wɔ Christ no dɔ su ho, nye nkenyan nkyerɛkyere a wɔdze egya hen nyina no.

Yetserew hen akwaaba huanhuam mu ma hen Asomafo aforfor koraa no, Elder Ronald A. Rasband, Elder Gary E. Stevenson, nye Elder Dale G. Renlund. Iyinom ye mbarimba a woetu hɔnho esi hɔ ama Ewuradze N'edwuma no. Hɔn nyina fata yie de wɔbεhyε dzibew tsitsir a wɔafre hɔn no mu.

Ndaansa yi, ber a merekenkan na morodwendween kyerewsem ho no, nyiyimu ebien pɔkyee bi ada mo do. Yenyim ebien no nyina. Dza odzi kan no fi Bepɔw do Nsempa no: "Hom mma hom kan no nhyeren wɔ nyimpa enyim, ma woeehu hom ndwuma pa na wɔahye hom Egya a ɔwɔ sor enyimnyam."¹ Kyerewsem no a otsia ebien no baa m'adwen mu

ber a morodwendwen dza odzi kan no n'asekyere ho. Ofi Osomafo Paul ne krataa a ɔdze kemaa Timothy: "Ye esusudo ma agyedzifo, wɔ kasa mu, abrabɔ mu, wɔ ɔdɔ mu, gyedzi mu, ahotsew mu."²

Megye dzi de kyerewsem no a otsia ebien no kyerɛkyere hen, mbre yebesi beye dza odzi kan no mu, ne fā kese. Yebeye agyedzifo esusudofo ber a yεdze Jesus Christ asempa no bɔ bra wɔ kasa mu, abrabɔ mu, ɔdɔ mu, sunsum mu, gyedzi mu, nye ahotsew mu. Ber a yεye dɛm no, hen kan bshyeren ama binom eru.

Hen mu kor biara aba asaase do a wɔama no Christ ne Kan no. Ber a yedzi Agyenkwa ne fasusu do na yetsena de mbre Otsenae na mbre Okyerɛkyere no, dɛm kan no bedzew wɔ hen mu na ɔbεhyeren kwan no do ama nkaafø.

Osomafo Paul kyerew gyedzinyi no su esia, su a ɔbema hen kan no ahyeren. Hom mma yenhwε kor biara.

Mebekasa afa su ebien a odzi kan no ho abɔ mu—yεbεyε esusudo wɔ kasa na abrabɔ mu. Nsempua a yekā no botum epegya na woekenyan, anaa wobutum epira anaa wɔahye fer. Ehuhusem adɔɔsɔ wɔ nde wiadze mu

a wɔatahye wɔ beebiara a ebefia biara. ɔye dzen de ebokwetsir de nnketse Nyame ne dzin a wɔrobo no gyan-gyan a wɔnnndwen ho. Nsem a ɔnnse na ɔye de wɔtaa kā no telebihyen, senɛ mu, mbuuku anaa ndwom mu. Ahorba hyehye na eбуuw kasa na wɔtaa kekā. Hom mma yemfa ɔdɔ na obu nkasa nkyere nkaafø, daa yema hen kasaa ho ntsew na yenkwetsir nsempua anaa nsenkā a ɔbεyε obi yaw anaa ɔbɔfom no. Hom mma yendzi Agyenkwa no ne fasusu do, ɔno na ɔdze abotar na ayamuyie kasae No somdwuma nyina mu no.

Su kor a odzi do a Paul bɔɔ do kāa no nye ɔdɔ, a wɔakyere mu de ɔye "Christ no dɔ mapā no."³ Minyim pefee de hɔn a wɔayε ankonam, hɔn a wɔyar, na hɔn a woonya abagura wɔ hen nhyedo tum ase. Yεwɔ akwanya de yeboa hɔn na yepegya hɔn esunsum. Agyenkwa no dze enyidado bree hɔn a wonnyi enyidado na ahoodzen bree hɔn a wɔayε mberew. Osaa ayarfo yarba; ɔmaa ebubafo nantsewee, efurafo hun adze, etsitsifo tsee asem. Onyaan ewufo mpo baa nkwa mu. No somdwuma nyina mu no Okyerɛ ayamuyie maa obiara a ɔwɔ ahohia mu. Ber a yefa Ne fasusu no, yεbεhyira dodow abrabɔ akā henara hen dze ho.

Odzi do, ɔwɔ de yεye esusudo wɔ sunsum mu. Emi metse ase de ɔwɔ de yεper dze ayamuyie, enyisɔ, bɔnfakye, na ɔbra pa hye hen abrabɔ mu. Su yinom no bema hen sunsum a ɔbεkā hɔn a wɔbɔ henho aporow no hɔn abrabɔ. Meenya akwanya mfe pii mu a menye nkɔrɔfo dodowara a wokita

dém sunsum no bi edzi nkitaho. Yenya nkă-tse soronko ber a yewo hōn nkyen, nkă-tse a ɔma yepé de yenyé hōn benya nkitahodzi na yeedzi hōn fasusu do. Wɔhyeren Christ ne Kan no na wɔboa hen ma yetse No dō a ɔwɔ ma hen.

Menye hom rekye sūahu bi a osii mfe pii a abesen kō no, dze akyere de binom tum hu kan a ofi sunsum dōfo a noho tsew ho.

Dém aber no Asor baanodzifo hyiaa Jerusalem ahwedofo de wɔrekeye asaase ho nhyeheyee a wobesi Asor no, ne Jerusalem Asoee no wo do. Ama nsa aakă kwanma a wohia no, nna ɔwɔ de Asor no gye to mu de hen asɔrmba a wɔbetsena asoee hō no nnkekyima akă nsempa no. Yeagye nhyeheyee no ato mu ekyir no, Israel ahwedofo no mu kor a, onyim Asor no na asɔrmba no yie no, kăa de onyim de Asor no bedzi nhyeheyee no de mma wonnkyima nnkă nsempa no. Okāa de, "Mbom," ṥrekasa fa esūafō no a wɔbeba adzesüa hō no, "ebenadze na yebeye afa kan no a ɔwɔ hōn enyiwa mu no ho?"⁴ Nkye dém kan soronko no ahyerēn wɔ hen mu daa, ama nkōrfo eehu na woeenya ho enyiso.

Yebeye gyedzi ho esusudo no kyere de yewo awershymu wɔ Ewuradze mu na N'asem mu. Okyere de yewo na yenyen dza yegye dzi no a ɔbɔween hen adwendwen na hen ndzeyee. Hen gyedzi wɔ Ewuradze Jesus Christ mu na hen Osor Egya mu no benya nhiedo wo dza yeye nyina do. Hen mber yi mu adwensaa, tsiboa mu wentwiwentwi, na daa daa abrabō mu nkōdzen no, gyedzi a otsim na ɔbeyé hen abrabō mu sekye. Hom nkaa de gyedzi nye ekyingye nnkotum atsena adwen kor mu, ber kor noara mu, osiande kor bepam kor no. Misi do kă dza woataa akă—de ama yeenya na yeesie gyedzi a yehia no, ohia tsitsir de yekenkan na yesüa na yewwendwen kyerewsem no ho. Yedu mpaabō do yenyé hen Osor Egya dzi nkitaho no hia papapa. Yennkotum ebu enyiwa egu ndzemba yinom do, osiande otsiafo no na no dōm no nngyaa de wɔrohwewhe bea a yeye

mberew, bea a hen nokwardzi bɔt̄ sin. Ewuradze see de, "Hom nhwehwe enyiberdo, na hom mbo mpaa aber nyina, na hom ngye ndzi, na ndzemba nyina bɔkɔ do yie ama hom yieye."⁵

Odzi ewiei, ɔsé de henho tsew, a ɔkyere de henho tsew wɔ honandua mu, adwen, na sunsum mu. Yenyim de hen honandua no ye temple a, ɔwɔ de yedze enyidzi na obu ma no. Adwendwen a opegya na ɔhye enyimnyam no na ɔwɔ de ɔhye hen adwen mu, na yetsew ndzemba a ogu ho fī no fi ho. Ama yeenya Sunsum Krōnkron no de hen nyenku aber nyina no, otwar de yedzi mu. Enuanom na nkyerebaa, ahotsew dze asomdwee babré hen na ɔama yeaafata de yebegye Agyenkwa n'anohoba no. ɔsee de, "Nhyira akă hōn a hōn akoma mu tsew, na hōn na wobohu Nyankopon."⁶

Sé yeye esusudo wɔ kasa mu, wɔ abrabō mu, wɔ ɔdo mu, sunsum mu, gyedzi mu, na ahotsew mu a, yebafata de yebeye kan ama wiadze.

Menkă nkyers hom nyina, nkanvara hom mberantse na nkataasia no, de wiadze repem kō ekyir refi nhyeheyee na kwankyers a Osor Egya dōfo dze ama hen no, yebeda edzi wɔ dōm no mu osiande yeye soronko. Yebeda edzi osiande hen atarhye nnye hyerepée. Yebeye soronko osiande yennkă kasa fi na osiande yemmfa ndzemba a ɔsé hen honandua no nnkō hen mu. Yebeye soronko osiande yekwetsir aserewsem a ɔmmfata na nsenkă a ɔyé enyimguase. Yebeye soronko ber a yesan mu yi de yennkefa dza ɔwɔ media ehoo do a ɔyé fi na enyimguase na obeyi Sunsum no efi hen efiefi na hen abrabō mu no ahyé hen adwen mu. Yebeda edzi nokwar ara ber a yeye nsanmuyi a ɔfa ahosanye ho—nsanmuyi a ɔnye asempa fapem na gyinapen no saa. Ndzemba a ɔma yeye soronko wɔ wiadzemba dodow mu no ma hen dēm kan na dēm sunsum no a ɔbeyheren wɔ wiadze a ɔrokɔ do hye sum mu no.

Otaa ye dzen de ebeye soronko na ebegyina ankonam wɔ dōm mu. ɔyé nyimpa su de yebosuro dza binom

bōdwen anaa wɔbekā ho. Ndwom no mu nsem yi ye awershymu: "Ewuradze nye me kan na mo nkawagye; woana na mubosuro? Ewuradze nye mo nkwa n'ahoodzen; woana n'enyim na mo ho bɔpopo?"⁷ Ber a yema Christ ye hen abrabō ne fapem no, akokodur na hen awershymu behye hen suo ananmu.

Abrabo nnye tɔɔtsen mma hen mu biara, na ɔtɔfabí a ɔhaw na nkōdzen a yehiya no botom abor hen do, ma hen kan aye kusukusu. Naaso, yedze mboa fi hen Osor Egya hō dze kā binom bambo ho a, yebotum enya kan no a ɔbeyheren henakasa hen kwan do bio na wɔama kan no a binom so behia no.

Menye hom nkye awensem bi a mpe no mu nsem a okenyan, a mkenkaan no mfe pii a abesen no:

*Mihyiaa ɔhɔho bi anago
Nna ne kandzea egyaa hyeren
Migyinae na memaa ɔsɔɔ
Ne kandzea no fi medze no.*

*Ekyir no ehum tuui
Na wiadze nyina wosowee.
Na ber a mframā no gyae no
Nna me kandzea edum!*

*Mbom ɔhɔho no sanee baa
me nkyen—
Nna ne kandzea no rehyerēn yie!
ɔkyeen framee a ɔsom bo no
Na ɔsɔɔ medze no!⁸*

Mo nuambanyin na nkyerebaa, hen akwanya horow de yebeyheren bɔ henho aporow dabiarra, wɔ gynabew biara a yebowó mu no. Ber a yedzi Agyenkwa no fasusu do no, yebeyna kwan abeyé kandzea, wɔ binom abrabō mu, se wɔyé henara hen ebussafo, edwumamufo, anyenkofo ara, anaa ahɔho koraa no.

Hom mu kor biara no, mese wo de eyé Osor Egya ne babanyin anaa ne babaa. Efi Ne nkyen de erebetse asaase yi do hyeber kakra, edze adwendwen Agyenkwa no No dō na nkyerkyers ho, na akokodur mu ama wo kan ahyerēn ma obiara ehu. Se

asaase yi ne hyeber ba ewiei a, se aye w'afamu dze a, enyimnyam nhyira de ebesan enye No aketsena afebcc no beye wodze.

Mbre Agyenkwa ne nsem ma awerehyemu a: "Emi nye wiadze kan no: nyia odzi m'ekyir no rennantsew sum mu, na obenya nkwa kan no."⁹ Ono ho na megaye dase. Oye hen

Agyenkwa na ɔpomfo, hen Dzimafo wo Egya ne nkyen. Oye hen Fasusu na hen ahooɔzen. Oye "kan no a ɔhyerɛn sum mu no."¹⁰ De hen mu kor biara a ɔtse me ndze behye bɔ de ɔbekā No do, na dem ntsi ɔabeyɛ kan a ɔhyerɛn wiadze no nye me mpaabɔ wo Ne dzin kroñkron no mu, Jesus Christ Ewuradze no mpo, amen.

NSENSIN

1. Matthew 5:16.
2. 1 Timothy 4:12.
3. Moroni 7:47.
4. Hwe James E. Faust, "The Light in Their Eyes," *Liahona*, Oberew 2005, 20.
5. Nkyerɛkyerɛ na Ahyemudzi 90:24.
6. Matthew 5:8.
7. Ndrom 27:1
8. Lon Woodrum, "Lamps," *The Lighted Pathway*, Obese 1940, 17.
9. John 8:12.
10. Nkyerɛkyerɛ na Ahyemudzi 6:21.

Nkyerɛkyerɛ ma Hen Mber yi

Fitsi Oberew 2015 dze kesi Ebobira 2016 no, wo de wɔye Melchizedek Assfodzi na Relief Society adzesua wo Kwsida a otsia anan no ho ahosie-sie fi kasa kor a wɔkāe anaa no mboree a wɔkāa no wo Obese 2015 wiadze mfendzanan ehyiadzi mu. Ebobira 2016 mu no, wobotum eyi kasa a wɔkāe no efi Ebobira 2016 anaa Obese 2015 wiadze mfendzanan ehyiadzi mu. Stake na man-sin mu presidentfo na wɔsan mu yi kasa a wɔkāe a wɔdze bedzi dwuma wo hon apaamu, anaa wobotum dze asodzi yi ahye bishopfo na nkorbata presidentfo nsa.

Kasa no wobenya no wo kasa horow mu wo conference.lds.org



President Henry B. Eyring ne kasaa

Opamfo a Odzi Kan wɔ President a Odzi Kan na n'Apamfo mu

Sunsum Krönkrön No de Wo Nyenka

Yebotum enya nhiria no a Sunsum no nye hen tsena, nnye ofi ber to ber nko, na mbom aber nyina no, se yebɔ ho bra a ɔfata a.

Mo nuanom na nkyersbaa adɔfo, ɔye me enyisɔ de mene hom wɔ Ewuradze n'A-sor no wiadze mfendzanan ehyiadzi yi ase Ahomgyeda yi. Maatse, Sunsum no, Sunsum Krönkrön no ne nkā, de mbre hom aatse no, de Oregye nsem a wɔakā na wɔatow ho ndwom no ho nokwar dase.

Mo botae nde nye de hom pe na enyimpi si bɔdɔ sō de hom begye akyedze no a hen enuma ekyir no, wɔdze bɔɔ hen mu kor biara anohoba no. Worisi hen pi no yetsee nsemfua yinom: "Gye Sunsum Krönkrön no."¹ Ofitsi dem aber no, hen abrabo sesaa korakora.

Se yebɔ ho bra a ɔfata a, yebotum enya Sunsum no ne nhiria ma ɔnye hen atsena, nnye ofi ber to ber nko, tse de nde sūahu soronko a yeenya mu no, na mbom aber nyina, Hom nyim fi *sacrament* mpaabɔ mu nsem no, mbre dem anohoba no si hye mā. O Nyankopon, Onnyiewiei Egya, yesere wo wɔ wo Ba, Jesus Christ ne dzin mu, de hyira dem paanoo yi do na tsew ho ma akra a wobedzi nyina, ama woedzi

dze akaa wo Ba no honandua, na wɔagye dase dze ama wo, O Nyankopon, Onnyiewiei Egya, de woonya pe de wɔbefa wo Ba ne dzin ato hɔn do, na wɔakaa no aber nyina na woedzi ne mbrasem a ɔdze ama hɔn no do."

Na nkyii na enyimnyam anohoba no ba: "Ama aber nyina woonya no Sunsum ma ɔnye hɔn atsena" (N&A 20:77; woetsi mu akā ho).

De yebenya Sunsum no ma ɔnye hen atsena aber nyina nye de, yebenya Sunsum Krönkrön no bambo na kwankyeré daa daa wɔ hen abrabo mu. Mfatoho, yebotum enya Sunsum no kɔkɔbɔ ma yesiw nsɔhwɛ no ano de yennyɛ bɔn.

Dem santsir no nko no, ɔnye dzen de yebohu santsir a Ewuradze N'asomfo abɔ mbɔdzen de wobepetya hen pe de yebɔsom Nyame wɔ hen *sacrament* nhiyamu mu. Se yedze gydzi dzi *sacrament* no a, Sunsum Krönkrön no botum abɔ hen na hen adɔfo ho ban efi nsɔhwɛ dzendzen a ɔba ntaataado no ho.

Sunsum Krönkrön n'anyenkoyɛ ma dza oye beye akɔndɔ ara yie

na bɔn nsɔhwɛ nhiedo bre adze. Ono nko wɔdɛ oma hen enyimpi si de yebefata de Sunsum no nye hen betsena aber nyina.

Tse de ma Sunsum Krönkrön no hye hen dzen tsia bɔn no, Oma hen tum so ma yetum hu nokwar fi otor ho. Nyikyeré a ofi Nyame ho nko na ɔda nokwar a ohia tsitsir no edzi. Yedze hen nyimpa dwen na honandua ne nkatsedze no ara nnko sō. Yetse mber mu a ɔbeyɛ dzen ama onyansafao a ɔawea no mpo de obotum ehu nokwar efi enyitsew ndaadaa ho.

Ewuradze kyerekyerɛ No Somafo Thomas a, nna ɔpe de ɔkā Ne pirakur no dze nya Agyenkwa no Wusoor ho honandua mu dasegye no de, nyikyeré nye dasegye dwudwoo no: "Jesus see no de, Thomas, osiande ehu me ntsi, na agye dzi yi? Nhira akā hɔn a woennhu me eso wɔagye edzi." (John 20:29).

Sunsum Krönkrön no da Nyame fie kwan no nokwar ahyensew no edzi. Yennkotum akɔ kwā no mu ekohu Egya na ɔba no de Wɔnye aberantseba Joseph Smith rekasa. Honandua mu dasedzi anaa adwenkyeré nkyereasee biara nnkotum esi no pi, de Elijah bae de mbre wɔbɔɔ ho anohoba no, behyɛ asɔfodzi nsaafe no a sesei nkɔnhyenyi tseasefo, Thomas S. Monson kita na ɔdze dzi dwuma no.

Nokwar ho pisi ba Nyame babayin anaa babaa a ɔagye ndzinoa no de ɔbeyɛ Sunsum Krönkrön no. ɔnam de ndaadaa na atorsem botum abeda hen enyim ber biara no, yehia Nokwar Sunsum ne nhiedo daa daa ama oeekwetsir ekyingye mber.

Ber a nna ɔye Duebien no hɔn Quorum kuwba no, George Q. Cannon tuu fo de daa daa yenhwehwe

Sunsum no ma ḡombra hen nkyen. ḡbōo anohoba, na mobo anohoba demara, de se yefa dem kwan no do a, nokwar ho “nyimdzee nnkōbō hen da,” na “yerinngye kyim anaa yere-nhye sum mu,” na hen “gyedzi be-hye dzen, [hen] dewdzi beye . . . mā.”²

Yehia dem daa daa mboa no a ofi Sunsum Krōnkron n’anyenkoye no ho no wō siantsir kor bi so ho. Hen dōfo bi no wu botum aba awerɛfir mu. ḡye ḡsor Egya dōfo na Agyenkwa no a ḡasoer ho nokwar dasegye a ofi Sunsum Krōnkron no ho na ḡma hen enyidado na awerɛkyekye ber a dōfo bi efi mu no. Otwar de yewo dem dasegye no ber a owu no aba no.

Ne siantsir pii ntsi, yehia Sunsum Krōnkron no n’anyenkoye no aber nyina. Yεpe, naaso yeniyim fi suahu mu de ḡnnye mberew de yebesie no yie. Hen mu kor biara wō hen daa daa abrabo mu no yedwen, yekā, na yeye ndzembab a obotum afom Sunsum no. Ewuradze kyerekyere hen de Sunsum Krōnkron no beye hen nyenko aber nyina ber a ayamuyie ahye hen akoma mu mā na ber a ḡbrapa siesie hen adwen mu a onngyaa da (hwe N&A 121:45).

Hom a hom reper de hom bodu esusudze no a ḡkrōn ama hom aafata Sunsum n’anyenkoye akyedze no, mema nkuranhye yi. Hom enya mber binom a hom tsee Sunsum Krōnkron ne nhiedo nkā. Bia na oesi ama wo nde.

Hom botum afa dem nkenyan mber no de aba no a Alma kāa ho asem no (hwe Alma 32:28). Hom ndua kor biara. Hom botum aye dem ber a hom dzi nkenyan a hom aatse no do. Nkenyan a ḡbo som bo ama wo tsitsir no beye de ibohu dza Nyame pe de eye. Se ḡye ebupen du no ntuae a, anaa erekessa nyenko bi a oridzi awershaw a, ḡwō de eye. Dza ḡtse biara no, ye. Ber a ekyere wo pe de ibeye setsie no, Sunsum no dze dza Nyame rohwehwē ma aye ho nke-nyan binom so bebre wo.

Ereye setsie no, nkenyan a ofi Sunsum no beba ntaataado, ma saben abeye de daa daa anyenkoye.

Wo tum a edze san mu yi papa no bepegya.

Ibotum ehu se nkenyan horow yinom no de ye biribi ma No no fi Sunsum no akyen de ofi ḡwoara wo pe. Se nkenyan horow no nye dza Agyenkwa no anaa No nkōnhyeifo na asomafo atseasefo akā no saa a, ibotum edze awerehyemu asan mu edzi do. Nkyii Ewuradze bōsoma No Sunsum ma wōabōhwē wo do.

Mfatoho, se inya sunsum mu nkenyan de dzi Ahomgyeda no nyi a, nkankara ber a ḡye dzen de ebeyε a, Ewuradze bōsoma No Sunsum ma wōabōboa.

Dem mboa no bi baa m’egya hō, mfe pii a abesen kō no, ber a n’edwumayε dze no kefir Australia no. Nna ḡaka no nko Kwesida bi, na ḡpē de okedzi *sacrament*. Oenntum ennya nsem biara a ḡfa Latter-day Saintfo nhiamu ho. Ntsi ḡhyε ase de ḡre-nantsew. ḡbōo mpaah wō nkwantanan biara ama oeehu kwan a ḡberman afa. ḡnantsewee na ḡmenanee beye dōnhwer kor no, ogyinae na ḡbōo mpaah bio. Onyaa nkenyan bi de ḡondan nsian stiitsi pokyee bi. Annkyer na ḡtsee de ndwom fi aborɔsanṣā a nkōrōfo tsetse hō a ḡben no n’ase ho reba. Ohwēe tokura no mu na ohun nkōrōfo kakrabaa de wōtsena pon bi a wōdze tam fufuw akata do nye *sacrament* akoradze.

Afei, bia ḡno rennye wo hwē, mbom nna ḡye adze nwānwa ma no. Nna onyim de anohoba no a ḡwō *sacrament* mpaabo mu no ahye mā: “Wōakaa no aber nyina na woedzi ne mbrasem a ḡdze ama hōn no do; ama aber nyina woonya no Sunsum ma ḡnye hōn atsena” (N&A 20:77).

Ono ye mfatoho kor ara wo ber bi a ḡbōo mpaah na nkyii ḡye dza Nyame no Sunsum see no de ḡnye no. ḡkōr do demara mfe pii, tse de mbre emi na ḡwo yebeyε no. ḡannkā no sunsum mu atsenkā ho asem da. ḡkōr do ara yεe ndzembab aketseamba maa Ewuradze, de mbre wokenyaan no de ḡnye no.

Ber biara a Latter-day Saintfo kuw bi besere no de ḡnkasa nkyere hōn no, ḡye. Nna ḡmmfa ho de wōye nkōrōfo 10, anaa 50 anaa mbre oesi ḡabere

ho. ḡgyee ne dasee a ḡfa Egya no, ḡba no, na Sunsum Krōnkron no na nkōnhyeifo no ho ber biara a Sunsum no hyee no de ḡnye no.

Ne fre de Bonneville Utah Stake abagufo mu kor no nye ne fre tsitsir a onyae wō Asir no mu, hō na ḡdōcwō stake haban mu na ḡkyerekyere Kwesida Skuul adzesūafo. Mber guu mu no, ber a nna ohia no, nna Sunsum Krōnkron no wō hō de n’adamfo.

Nna migyina m’egya ne nkyen wō asopitsi dan bi mu. Me maame a, ḡaye ne yer mfe 41 no, nna ḡda mpa no do. Yeweōn no ndōnhwer pii. Yehyε ase hun de yaw a ḡkyere wō n’enyim no rok. Ne nsatseaba a nna oemua no kutuku no, gowee. N’abasa bōhōmee wō ne nkyen.

Mfedu mfedu kōannkō yarba ne yaw no reba ewiei. Muhun asom-dwee hwēbea wō n’enyim. ḡgyee ahom ntaataado a onnsi kakra, nkyii ḡgyee ahomtsen no, na ḡdaa hō dzinn. Yegyina hō hwē de ahomgye kor so beba a.

Ewiei no, Dada kāa no komm de, “Akataasiaba bi kō fie.”

Wennkyi enyisawa. Osiande nna Sunsum Krōnkron no ada no edzi pefee akyere no dada onyia a ḡye, bea a ofi, dza ḡaba abeyε, nye bea a ḡrok. Nna Sunsum no agye ḡsor Egya dōfo bi, Agyenkwa no a Oebubu owu tum mu no, na temple nsōwano a ḡno na no hokāfo na ebusua wōkye noho nokwar dase akyere no mpēn pii.

Nna Sunsum no esi no tadua ama no dada de ne yer ne papaye na gyedzi no ama ḡaafata de ḡbesan ekyir akō ḡsor fie a wōbekaa no de anohoba ḡba nwānwafo na wōama no akwaaba aba fie enyimnyam mu.

Me papa dze, nna dem no bor enyidado ara. Sunsum Krōnkron no ama ḡaabaa mu.

Afei, binom botum akā de ne nsem na mfonyin a ḡda n’adwen do a ḡfa ḡsor fie bi ho no ye adkōdōkōsem ara a woefua kunafo n’adwen do ḡnam yer a ḡahwer ntsi. Mbom nna onyim onnyiewieie nokwar no wō kwan kor ara a yebotum dze ehu no.

Nna ɔye abɔdze-nyansapenyi a ɔyee nhwehwemu wɔ abɔdze ho ne mpanyinye mber nyina mu. ɔdze nyansape edwindadze dzii dwuma yie ma ne nsefo a wɔwɔ wiadze mu nyina hyee no enyimnyam. Dza ɔyee no dadow wɔ chemistry adzesua mu no fi dza ɔdze n'adwen enyiwa hun abɔdze a woridzi akɔ-na-ba na nkyii ɔdze laboratory nhwehwemu sii n'enyido-adzehu no pi no.

Mbom oduaa kwan fofor do dze kohun nokwar horow a ohia tsitsir ma ɔno na hen mu kor biara no. Sunsum Krɔnkrɔn no mu nko na yebootum ehu nkɔrɔfo na dza osisi de mbre Nyame hu no.

Ne yer no wu ekyir no, dem akyedze no kɔr do wɔ asopitsi hɔ. Yeboaboa hen maame ne ndzemba ano de yedze bɔkɔ fie. Dada nye nees na datser biara a yehyia hɔn ber a yerekefa hen epue no, gyinaa hɔ na ɔdaa hɔn ase. Mekaa de menyaa atsenkā a, ɔhaaw me kakra, de yengyaa hɔn hɔ na hen nko nkedzi hen yaw.

Afei meeuhu de ndzemba a ohunii no, Sunsum Krɔnkrɔn no nko na obotum dze akyere no. Ohun dem nkɔrɔfo no de abofo a Nyame somaa hɔn de wɔmbɔhwε no dɔfo mapɔ no do. Bia wohun hɔnho de ayarsa dwumayefo, naaso nna Dada reda hɔn ase wɔ hɔn som a wɔaye ama Agyenkwa no ho.

Nna Sunsum Krɔnkrɔn ne nhiedo daho wɔ no do ber a yebodur m'a-wofo fie no. Yekasaa sima kakra wɔ asado. Dada serɛe kwan kɔr ne pia a ɔben hɔ no mu.

Sima kakra ekyir no, ɔsanee nantseewee baa asado hɔ. Nna ɔayerew n'ano fefefɛ. Onantseewee baa hen nkyen na ɔkāa no kommye mu de, "Nna ɔshaw me de Mildred no nko

bodu sunsum wiadze. Modween de ɔbetse de ɔayew wɔ dɔm no mu."

Nkyii ɔkāa no enyigye mu de, "Mɔbɔɔ mpaa sesieara." Mehu de oye ma Mildred. Nna me maame wɔ hɔ de obehyia no."

Mekaa de ɔkāa dem no nna mereyere w m'ano, murususu de me nanabasia a, n'anan ntsiatsia no dze mbirika, dze ɔhar ruduadua dɔm no mu ama ɔaaye aahweyie de n'asew-basia bodu hɔ ara no, oehyia no na oefua no.

Afei, santsir kor a m'egya bisaa na onyaa dem awerekyekye no nye de ofitsi ne mbafober mu no ɔdze gye-dzi abɔ mpaa aber biara. Nna wɔa耶 no ntɔyee de onya nyiano a ɔba n'akoma mu a ɔdze awerekyekye na kwankyerɛ bree no. Nna onyim kyerewsem no nye nkɔnhyefo atseasefo hɔn nsem no dze kā mpaabo suban a ɔwɔ no ho. Ntsi ɔtsee Sunsum n'awasa no a onyim no a, hom aatse no nde no.

Sunsum n'anyenkoye no akyekye no were na ɔama no kwankyerɛ ma wɔabor. Oduaa Jesus Christ No Werdambɔ no do sesaa no. Se yegye anohoba no de yebenya Sunsum no wɔ hen nkyen aber nyina a, Agyenkwa no ma hen ahotsew a yehia dze enya onnyiewieei nkwa no, dza ɔsɔ kyen Nyankopɔn akyedze nyina no. (hwe N&A 14:7).

Hom nkaa Agyenkwa ne nsem no: "Afei, iyi nye mbrasem no: Hom nnu hom ho, hom a hom wɔ asaase n'ano n'ano nyina, na hom mbra me nkyen ma wonnuma hom wɔ me dzin mu, ama Sunsum Krɔnkrɔn no a hom benya no aatsew homho, ma hom eetum egyna m'eniyin wɔ da a odzi ewiei no mu de nkekāa biara nnyi homho" (3 Nephi 27:20).

Dem mbrasem no dze anohoba yi a ofi Ewuradze hɔ no ba:

"Na, afei, nokwar, nokwar, mese wo de, fa wo were hye Sunsum no a ogya wo ma eyɛ papa—nyew, na ɔma idzi perper, ɔma enantsew ahobreadze mu, ɔma ibu atsen tsenenee; na iyi nye mo Sunsum.

Nokwar, nokwar, mese wo de, medze mo Sunsum ne kyefə bema wo, dza obobue w'adwen mu, dza ɔdze dew behye wo kra mā." (N&A 11:12-13).

Megye hom me dasegye de Nyame Egya no tse ase, de Jesus Christ a ɔasoer no na odzi N'Asor no kan, de President Thomas S. Monson kita asɔfodzi nsaafee no, na de nyikyerɛ a odua Sunsum Krɔnkrɔn mu no ma Jesus Christ n'Asor a ɔwɔ hɔ ma Nda a Odzi Ekyir Ahotseewefo no na asɔrmba ahobreadzefo no akwankyerɛ na bambo.

Megye dase bio de mbarimba anwanwafo yinom a nde wɔakasa akyerɛ hen de Ewuradze Jesus Christ adasefo no, de Duebien no hɔn Quorum mba no, Nyame na Wɔafre hɔn. Minyim de Sunsum no na Ogyaa President Monson de ɔmfra hɔn. Na de mbre hom etsie hɔn na hɔn dasegye no, Sunsum Krɔnkrɔn no esi dza mekā no sesei no pi akyerɛ hom. Nyame na ɔafre hɔn. Mema hɔn tsipia na modo hɔn na minyim de Ewuradze dɔ hɔn na ɔbɛma hɔn tsipia wɔ hɔn som mu. Megye no wɔ Ewuradze Jesus Christ dzin mu, amen.

NSENSIN

1. *Kwankyerɛ Buukuu 2: Administering the Church* (2010), 20.3.10.
2. Hwe George Q. Cannon, in "Minutes of a Conference," *Millennial Star*, Esusow Aketseaba 2, 1863, 275–76.